

# Lea go nuortasámiid kultuvra jávkan?



Nuortasámit čoahkkanan karneválii ja fastui. Ollu olbmot heargeráidduiguin jávri alde mii dan áiggi gohčoduvvui Notjávre, ja dán áiggi dat gohčoduvvo Nuettjaur. Reagat gohčoduvvojit duottarreahkan dahje sanni. Govven: E. Wessel. Arkiiva: Finnmárkku fylkkagirjerádjju

Dál meroštallojuvvo ahte sullii 1000 nuortasámi ášset golmma riikkas: 600 Suomas, 150 Norggas ja 250 Ruoššas. Nuortasámiid lohku Norggas lea eahpesihkkar.

Li leat nu guhkes áigi go orui nu ahte nuortasámit eai oba gávdnoge šat, muhto maŋimuš jagiid leat ollu návccat geavahuvvon sealluhit ja ovddidit nuortasámiid árbevieruid ja kultuvrra. Dehálaš olahus lea ahte nuortasámit leat dohkkehuvvon eamiálbmogin Norggas, Suomas ja Ruoššas. Nuortasámiid kulturárbi lea ožžon riikkaidgaskasaš fuomášumi. Earret eará lea Nuortasámegilli Njávdamis ráfáidahttojuvvon. Njávdamis, áidna gilli Norggas, leat oasis nuortasámiid ássanhistorjjás vurkejuvvon. Muhto giella, Njávdaŋ-suopman, gal orru leat jávkan. Maŋimuš guhte vel máhtii dán giela jámii 1980-logus. Maŋimuš jagiid leat nuortasámiid bearrašat Suomas fárren Mátta-Várjjagii, muhto giella gal ii geavahuvvo beaivválaččat.

Suomas ášset eanaš nuortasámit Čeavetjávrris, ja dán guovllus leat sii nagodan sealluhit ja ealáskahttit kultuvrra ja árbevieruid. Ja Anár gielddas lea nuortasámegiella dohkkehuvvon almmolaš giellan.

Ruošša bealde lea dilli nuppe láhkai. Sovjet-áiggi kollektiivapolitihka geažil addojuvvui bohccuid oamastanriekti kollektiivvaide. Sovhosen boazodoallu lei áibbas earálágan go nuortasámiid. Nuortasámit assimilerejuvvojedje stuorit joavkkuide gos ledje eará olmmošcearddat.

Njávdaŋsápmelaččat ledje unnitlogus Njávdamis, muhto sii nagodedje sealluhit iežaset identitehta. Sivvan dasa soaitá leat ruošša-ortodoksa osku, mii lea leamaš ealli osku Njávdamis. Sankt Georga kapealla lea mearkkašan hui ollu nuortasámiide, oskku dáfus ja historjjálaččat. Juohke jagi lágiduvvo ortodoksa liturgijja doppe.

